

SARS E FEDISA TSHEBEDISO YA MABOKOSE A KAMOHELO LE DIFOROMO TSE ITSENG TSE PRINTUWANG

PRETORIA, 29 Phuptjane 2018 – Ditshebeletso tsa Lekgetho tsa Afrika Borwa (SARS) di tloa mabokose a kamohelo ya dikgutliso tsa lekgetho la lekeno mmoho le ditokomane tse ding tsa pampiri e le boiteko ba ho kgothaletsa balefalekgetho ho sebedisa eFiling bakeng sa ditransekshene tsohle tsa lekgetho moo ho kgonahalang.

Ho tloha ka la 01 Phupu 2018, SARS ha e sa tla fana ka diforomo tse itseng tse printuweng makaleng a yona, ho akareditswe le diforomo tse sebedisetswang ho ingodisa jwalo ka molefalekgetho (IT77C ya dikhampani le IT77TR ya ditherasete), jwalo ka morekisi wa VAT (VAT101), jwalo ka mongamosebetsi (EMP101), mmoho le diforomo tse sebediswang ho etsa kopo ya ditaello tsa lekgetho (IRP3(a), (b), (c) le (d))

Ditransekshene tsena, mmoho le dikgutliso tsa lekgetho la lekeno, ditefo le ho hlomathiswa ha ditokomane tsa tshehetso, di ka etswa ka mokgwa wa elektronike ho eFiling ka tshehetso ya [Help-You-eFile](#) le contact centre ebang balefalekgetho ba qakeha.

SARS e ekeditse mothamo wa difaele ho tloha ho 2 megabytes ho ya ho 5 megabytes bakeng sa nako ena ya sehla sa lekgetho.

Ho eketseha ha ditransekshene tsa dijithale ho tliša poloko e kgolo ya pampiri, ho printuwa le ditjeo tsa thomello e potlakileng ya poso molemong wa SARS le wa balefalekgetho. Sena se tla boela se fokotsa tshubehlellano e bang makaleng - e leng e nngwe ya maikemisetso a SARS Sehleng sena sa Lekgetho sa 2018.

Mokgwa ona wa dijithale le wa ho se sebedise pampiri o ne o qalwe dilemong tse leshome tsa ho feta ka mokgwatshebetso wa inthanete wa eFiling o neng o fumaneha bakeng sa dinyehelo tsa elektronike tsa dikgutliso tsa lekgetho la lekeno. Le ha ho le jwalo, mabokose a kamohelo a bile teng makaleng e le kanale ya tlatsetso hodima dikanale tsa elektronike bakeng sa balefalekgetho ba ikgethelang ho nehelana ka dikgutliso tsa bona le ditokomane tsa bona ka letsoho.

SARS e tla netefatsa hore balefalekgetho ba fetohelang mokgweng wa eFiling ba fumana tshehetso.

Balefalekgetho ba tla nne ba kgone ho etela makala a SARS ebang ba hloka ho thuswa ka ho faela. Le ha ho le jwalo, ba kgothaletswa ho fetohela mokgweng wa ho nyehela ka tsela ya

elektronike. Balefalekgetho ba tla boela ba fuwa ditokomane tsa bona tsa sethathong hore ba di boloke.

SARS e kgothaletsa balefalekgetho ho sebedisa eFiling (www.sarsefiling.co.za), e leng mokgwa o bonolo le bolokang nako bakeng sa bongata ba ditransekshene tsa SARS, le o fumanehang dihoreng tse 24. Ho boetse ho na le diaterese tsa di-imeile websaeteng ya SARS hore balefalekgetho ba ikopanye le SARS, mmoho le SARS Contact Centre (0800 00 7277).